

III EDICIÓN DOS PREMIOS ISABEL ZENDAL DE PROMOCIÓN DO PENSAMENTO CRÍTICO EN EDUCACIÓN SECUNDARIA E BACHARELATO

BASES

Convocatoria

A Universidade da Coruña como actividade de extensión universitaria, por medio da Unidade de Divulgación Científica e Cultural, e en colaboración co Círculo Escéptico, coa finalidade de promover o pensamento crítico e a cultura científica, convocan a III edición dos premios ISABEL ZENDAL.

Definición e obxecto do concurso

1. O concurso ten como obxectivo fomentar a práctica do escepticismo, entendido como o pensamento crítico e racional como ferramenta indispensable para a comprensión do mundo e a toma de decisións na vida diaria, especialmente entre a xuventude, vítima en moitas ocasións do engano, a manipulación e a difusión de noticias e crenzas falsas. O xénero literario será o artigo periodístico, a exposición divulgativa dun experimento desenvolvido polo alumnado, o conto ou o relato curto. Os traballos integrarán os valores do pensamento escéptico e científico, a difusión do coñecemento, a ciencia e os seus métodos e a refutación das pseudociencias, así como a loita contra a difusión de enganos e noticias falsas.

Requisitos das persoas participantes

2. Poderá participar o alumnado escolarizado en centros educativos españois entre 1º de educación secundaria obrigatoria e 2º de bacharelato. Establécense dúas categorías de participación: (i) categoría A, para o alumnado de 1º a 3º de educación secundaria obrigatoria e FP básica; (ii) categoría B, para o alumnado de 4º de educación secundaria obrigatoria a 2º de bacharelato e dos ciclos formativos de grao medio. As persoas participantes deberán entregar traballos individuais totalmente inéditos. Os textos poderán estar escritos en galego ou castelán.

Criterios para conceder os premios

3. Cada autor ou autora poderá presentar un máximo de dúas obras que deberán ser orixinais e inéditas. Valorarase a creatividade, orixinalidade, adecuación aos valores do pensamento crítico expostos no apartado 1 e a linguaxe utilizada. Os textos non deberán conter ningún tipo de expresión non respectuosa.
4. Os autores terán que ser propietarios dos dereitos do texto e das imaxes, ter dereito á súa explotación ou respectar as condicións de uso das licenzas de uso público para evitar posibles reclamacións de terceiros.

Premios

5. Establécense dous premios por cada modalidade:
- Primeiro premio: 300 euros e unha colección de libros editados polo Servizo de Publicacións da UDC.
 - Segundo premio: 200 euros e unha colección de libros editados polo Servizo de Publicacións da UDC.
 - Terceiro premio: 100 euros e unha colección de libros editados polo Servizo de Publicacións da UDC.
- O xurado poderá seleccionar tantos accésits como considere oportuno en función da calidade dos traballos presentados, que serán incluídos nunha publicación recompilatoria editada polo Servizo de Publicacións da UDC. Do mesmo xeito, o xurado poderá declarar deserto calquera dos premios.
- O financiamento farase con cargo á partida orzamentaria 17.0017.00.07.422D.480.02. A dotación total para o premio é de **1.200 €**, e aboarase mediante transferencia bancaria a nome da persoa interesada.
6. Todas as persoas premiadas e os seus docentes recibirán un diploma acreditativo.
7. As persoas gañadoras e finalistas autorizan a UDC e o Círculo Escéptico para que dispoñan dos dereitos de reprodución e divulgación pública, porén, farán constar en todo momento o nome dos autores, o centro de estudos e o nome do profesor ou profesora titor/a do traballo.
8. A entrega de premios terá lugar nunha data por determinar na segunda quincena de xuño. Os gañadores do primeiro premio de cada categoría e un dos seus proxenitores, titor/a legal ou a persoa autorizada por estes serán invitados á cerimonia de entrega. O Círculo Escéptico correrá cos seus gastos de aloxamento, manutención e desprazamento desde calquera punto de España.

Xurado

9. O xurado da III Edición dos Premios Isabel Zandal está formado polos seguintes membros:

Presidenta:

- Vicerreitora de Igualdade, Cultura e Deporte da UDC ou persoa en quen delegue.

Vogais:

- Presidente do Círculo Escéptico ou persoa en quen delegue.
- María Luisa Castiñeira García, socia de número e membro da xunta directiva do Círculo Escéptico.
- Francisco Armesto Ramón, director técnico de Proxectos dos Museos Científicos Coruñeses.
- Manuel Ferreiro Fernández, profesor da Facultade de Filoloxía.
- Susana Ladra González, coordinadora do programa STEMbach da UDC.

Secretaria:

- M^a Cristina Naya Riveiro, coordinadora da Unidade de Divulgación Científica e Cultural.

A resolución do xurado é inapelable, e os premios poderán ser declarados desertos, pero non *ex aequo*.

Limitacións

10. Neste concurso non poderán participar os familiares ou alumnos dos membros do xurado.

Presentación das solicitudes

11. As solicitudes presentaranse preferentemente no Rexistro Electrónico da UDC (https://sede.udc.gal/services/telematic_register), no Rexistro Xeral da Universidade da Coruña (Maestranza, 9, 15001 A Coruña) ou nos rexistros auxiliares do campus da Coruña (provisionalmente na Zapateira) ou do campus de Ferrol (rúa Dr. Vázquez Cabrera s/n, Esteiro, 15403 Ferrol). Así mesmo, poderán presentarse por calquera dos procedementos previstos no artigo 16.4 da Lei 39/2015, do 1 de outubro, de procedemento administrativo común das administracións públicas.
12. Para os efectos de presentación e de uso do certificado dixital, os estudantes menores de idade poderán ser representados polo seu pai, a súa nai ou o/a titor/a legal, por docentes do centro de estudos ou pola propia Administración do centro.
13. Na solicitude do rexistro deberase incluír o nome completo da persoa participante (alumno/a), o seu DNI se o tiver (fotocopia, imaxe escaneada ou similar), o número de teléfono de contacto persoal, o seu correo electrónico, o enderezo completo da súa localidade de residencia, o pseudónimo, o arquivo dixital que conteña o traballo onde se fará constar o pseudónimo, pero ningún dato que permita identificar a persoa participante, e o anexo I desta convocatoria para autorizar a captación de imaxes durante o acto de entrega dos premios, se a persoa participante resulta premiada. Se o/a participante é menor de idade, débense achegar os datos persoais (nome e apelidos, DNI, teléfono de contacto persoal, enderezo completo e correo electrónico) do seu representante. Na solicitude tamén deben figurar os datos do centro educativo, o teléfono e enderezo electrónico deste, o/a profesor/a titor/a, o seu DNI e o seu correo electrónico de contacto.
14. Os traballos presentaranse en formato dixital, en formatos odt ou pdf. O documento deberá incluír o título e o texto sen sinatura e baixo un pseudónimo e, de ser o caso, imaxes, debuxos, táboas, gráficos etc., e a autoría ou fonte das imaxes empregadas. A extensión do texto será de entre 500 e 1000 palabras para a categoría A e de 1000 a 2000 na categoría B. Cada participante poderá presentar un máximo de 2 traballos.
15. O prazo de presentación das solicitudes acompañadas dos traballos comeza coa publicación destas bases na Sede Electrónica e remata o día **23 de abril de 2021 ás 14:00 h.** Os nomes das persoas gañadoras e finalistas publicaranse na páxina web da UDC.
16. A participación nesta convocatoria implica a aceptación íntegra das bases. Calquera eventualidade non prevista nestas bases será resolta polo xurado.

**ANEXO I: CONSENTIMENTO PARA A OBTENCIÓN DE DATOS PERSOAIS:
CAPTACIÓN E DIFUSIÓN DE IMAXES**

En virtude do artigo 13 do Regulamento (UE) 2016/679, do Parlamento Europeo e do Consello, do 27 de abril, relativo á protección das persoas físicas no que respecta ao tratamento de datos persoais e á libre circulación destes datos, informamos de que os datos que nos facilite serán tratados baixo a responsabilidade da Universidade da Coruña (UDC), cuxos datos de contacto son: rúa Maestranza 9, 15001, A Coruña, teléfono 981 167 000, correo electrónico secretariaxeral@udc.gal.

Mediante a sinatura do presente documento, autorizo á Universidade da Coruña á **captación de imaxes e/ou voz (fotografías e vídeos) con motivo da participación no acto de entrega da III EDICIÓN DOS PREMIOS ISABEL ZENDAL**. Así mesmo:

- ☐ Autorizo a utilizar os datos tomados en **calquera das contas oficiais das redes sociais da Universidade da Coruña, na súa páxina web, informes internos ou en calquera publicación que esta edite ou publique.**
- ☐ Autorizo a que os meus datos sexan cedidos ou comunicados aos seguintes destinatarios: **medios de comunicación locais, autonómicos e nacionais (prensa escrita/dixital, tv e radio).**

Os datos trátanse durante o tempo imprescindible para cumprir coa citada finalidade e serán conservados durante un período de 6 anos.

En calquera caso, a persoa interesada terá dereito a solicitar ao responsable do tratamento, en calquera momento, o acceso, rectificación ou supresión dos seus datos persoais e a limitación do tratamento. Tamén terá dereito a opoñerse ao citado tratamento, así como a solicitar, salvo casos de interese público e/ou exercicio de poder público, a portabilidade dos seus datos. Así mesmo, terá dereito a non ser obxecto de decisións individuais automatizadas, incluída a elaboración de perfís.

Tales dereitos poderanse exercer dalgunha das seguintes formas:

- principalmente, a través do “Formulario para o exercicio dos dereitos en materia de protección de datos persoais”, que se pode cubrir desde a Sede Electrónica da UDC no apartado de “Outros trámites”;
- mediante solicitude ao responsable de tratamento dos datos (UDC, Secretaría Xeral), ao enderezo: Secretaría Xeral, Reitoría da Universidade da Coruña, rúa Maestranza 9, 15001 A Coruña, ou ao correo electrónico rpd@udc.gal; tamén poderá presentarse a solicitude a través do rexistro telemático desta Sede Electrónica ou nos rexistros presenciais da UDC.
- mediante solicitude á delegada de protección de datos, ao mesmo enderezo postal anteriormente indicado, ou ao correo electrónico dpd@udc.gal; tamén se poderá presentar a solicitude a través do rexistro telemático desta Sede Electrónica ou nos rexistros presenciais da UDC.

Así mesmo, as persoas interesadas terán dereito a presentar unha reclamación ante a Axencia Española de Protección de Datos (AEPD).

Nome e sinatura da persoa que autoriza (premiado/a, se é menor de idade nai, pai ou titor/a do premiado/a):

Lugar e data: